

ՄԵՐ ՀՈՐԵԼՅԱՐՆԵՐԸ + НАШИ ЮБИЛЯРЫ

Է. Բ. ԱՂԱՅԱՆ

(Մենդյան 70-ամյակի առթիվ)

Յոթրեկ անանավոր գիտնական ու մանկավարժ, ՀՍՍՀ գիտությունների ակադեմիայի ակադեմիկոս Էդուարդ Աղայանի 70 տարին: Էդ. Աղայանն անցել է գիտական-ստեղծագործական երկար ու բազմաբովանդակ ուղի, որն իր հիմնական գծերով համընկնում է սովետահայ լեզվաբանության վերջին շուրջ կեսդարյա զարգացման ուղուն: Իր գիտական գործունեության հենց սկզբից էդ. Աղայանը Լեյկ է և այժմ էլ գտնվում է հայ լեզվաբանության առաջամարտիկների շարքում:

Նրա ընդունակությունները և ապագա խոստումնալից գիտնականի տվյալները դրսևորվել են դեռևս իր հայրենի Մեղրիի դպրոցում սովորելու տարիներին և հատկապես Երևանի պետական համալսարանի բանասիրական ֆակուլտետում ուսանելիս, ուր և նա զբաղվել է մեծանուն հայագետների ու հատկապես ակադեմիկոս Հրաչյա Աճառյանի ուշադրությունը:

Համալսարանն ավարտելուց ընդամենը Երկու տարի անց Աղայանն արդեն բանասիրական գիտությունների թեկնածու էր: Ընդ որում նրա թեկնածուական դիսերտացիան, որն իր մայրենի՝ Մեղրու բարբառի ուսումնասիրությունն էր, փաստական նյութի հավաքման ու դասդասման, պատմական ու համաժամանակյա մոտեցումների զուգորդման և ընդհանրապես հետազոտման եղանակով դարձավ Լեհիտասարգ բարբառագետների հետազոտական աշխատանքի մի ինքնատիպ ուղեցույց: Այնուհետև շատ կարճ ժամանակում իրար հաջորդեցին գիտական նոր աստիճանն ու կոչումները՝ բանասիրական գիտությունների դոկտոր, պրոֆեսոր, գիտության վաստակավոր գործիչ, ՀՍՍՀ գիտությունների ակադեմիայի րոյրսկից անդամ, այնուհետև՝ ակադեմիկոս, տիտղոսներ, որոնք նրա գիշատակ էր ընկած գործունեության պաշտոնական հաստատումները Լեյկ:

Լայն են պրոֆ. Էդ. Աղայանի գիտական հետաբերության սահմանները՝ ընդհանուր լեզվաբանություն, պատմահամամատական մեթոդաբանություն, հայոց լեզվի պատմություն, հայ լեզվաբանության պատմություն, բարբառագիտություն, բառաբանագրություն, ժամանակակից հայերեն-արևելյան բանասիրություն և այլն:

Ընդհանուր լեզվաբանության ընդհանուր և մասնավոր Էդ. Աղայանի հետազոտության հիմնական արդյունքներն ամփոփված են նրա «Լեզվաբանության հերթություն» ձեռնարկի մեջ, որը հրատարակվում է 1947 թվականից (սկզբնապես «Ընդհանուր լեզվաբանություն» խորագրով): Տասնամյակներ շարունակ այդ ձեռնարկը մեր հանրագիտությունում Լեյկ է սովորող սերունդի ընդհանուր լեզվաբանական գիտելիքների հիմնական աղբյուրը: Միանգամայն օրինաչափ է, որ այդ ձեռնարկը բարձրանվել է ուսերեն: Լեզվաբանական տարբեր պրոբլեմների նվիրված



«Պատմամեմատական մկրդը լեզվաբանության մեջ», «Ուրական անցումներ ը լեզվի մեջ», «Լեզուն իբրև էամակարգ և իբրև կառուցվածք», «Լեզվի գոյության տարբերակային ձևերը» և այլ ուսումնասիրություններով որոնող գիտնականն իր որսչափի նպաստն է բերել լեզվաբանական հասապատասխան պարբերների լուծմանը:

Էդ. Աղայանի հետազոտություններում շատ հաճախ ընդհանուր լեզվաբանությունը և նա: լեզվաբանությունը ինքնատիպ կերպով ձուլվում են միմյանց ի նպաստ թե՛ մեկի և թե՛ մյուսի: Այնպիսի աշխատություն, ինչպիսին է Երկհատուր «Հայ լեզվաբանության պատմությունը», նր: վիրվան լինելով հայագիտության մի կարևոր բնագավառի անցած ուղուն, իր մեջ լավագույնս արտացոլում է հեղինակի ընդհանուր լեզվաբանական հայացքները, որոնց տեսանշանով էլ նա բնեում է հայ լեզվաբանության ամբողջ անցած ուղին: Հայ լեզվաբանական մաթի զարգացումը դիտելով որպես մի ամբողջական գործընթաց, էդ. Աղայանը վերջինս բնում է այն բարդ ու բազմազան կապերի ու հարաբերությունների մեջ, որ հայագիտության այդ նյութն ունեցել է աշխարհի ընդհանուր լեզվաբանական մաթի զարգացման հետ: Մյուս կողմից, էդ. Աղայանն այդ ամենը, մեր անցյալի գործիչներին, նրանց գիտական վաստակը գնահատում է գիտության հմուտ պատմաբանի դիրքերից, որը և նպաստել է անցյալի ժառանգության գիտական ու արվեստիկ ար: ծնավորմանը:

Էդ. Աղայանը զգալի սվանդ ունի հայերենի բառերի ստուգաբանության բնագավառում: Հ. Անանյանից հետո այն բնագավառում իրենց հետախուզումներն են կատարում հատկապես ակադեմիկոսներ Գ. Զահուկյանը, էդ. Աղայանը: Քիչ չեն նաև Աղայանի կատարած բառաբանական հետազոտությունները, որոնցով նա գիտականորեն ճշակ, ճշգրտել է մեր ձեռագիր մատենագրության մեջ տեղ գտած բազմաթիվ աղավաղված գրություններ, առեղծվածային բառեր, բառակերպեր: Գիտնականի այդ ուսումնասիրությունները հիմնականում ամփոփված են նրա «Բառաբանական և ստուգաբանական հետազոտություններ» արձեմավոր գրքում:

Պրոֆ. էդ. Աղայանը նորարար գիտնական է: Նրա նորարարությունը ոչ միայն հետազոտության արդյունքի, այլև բուն հետազոտության մեթոդի մեջ է: Նա որոշակի բայեր է կատարել հայերենի փաստական նյութը նորագույն մեթոդներով ուսումնասիրելու բնագավառում: Ըստ որում նա այդ կատարում է թե՛ հայաց լեզվի պատմության («Գրաբարի բերականություն», գիրք Ա) և թե՛ ժամանակակից հայերենի ուսումնասիրության բնագավառում:

Իր գիտական գործունեության հատկապես վերջին երեք տասնամյակներում էդ. Աղայանը մեծ տեղ է տվել ժամանակակից հայերենի ուսումնասիրությանը, որն առավել արդիական պոք: լեմներին: Այդ բնագավառին նվիրված նրա ուսումնասիրությունների մեջ առանձնապես մեծ ար: ծն է ներկայացնում «Ժամանակակից հայերենի հոլովումը և խոնարհումը» մենագրությունը, որի նշանակությունը դուրս է գալիս աշխարհային համեստ վերնագրի սահմաններից: Իր գիտական գործունեության ողջ ընթացքում կանգնած լինելով լեզվաբանական գիտությունների առաջավոր գծում, էդ. Աղայանն այս դեպքում ևս ձեռնարկել է այնպիսի խնդիրների ուսումնասիրություն: նը, որոնք պոք: լեմային են և տեղի են տվել տարակարծությունների: Աշխատության մոտ կեսը ընդհանուր լեզվաբանական, մեթոդական նշանակություն ունեցող հետազոտություն է, որը վերաբերում է ժամանակակից լեզվաբանության խնդիրներին ու հետազոտության մեթոդներին, որոնց յույսի տակ էլ գիտնականը կատարում է ժամանակակից հայերենի ուսումնասիրությունը: Ղեկավարվելով իր իսկ առաջարկած մեթոդներով՝ էդ. Աղայանը յուրովի գիտական մեկնաբանություն է տալիս՝ ժամանակակից հայերենի հոլովման ու խոնարհման համակարգերին, լուծումներ, որոնց կողմով չի կարող անցնել ոչ մի մասնագետ:

Տեսական բառագիտությունը և հատկապես տերմինագիտությունը հայերենի ամենափչ ուսումնասիրված բնագավառն է: Եվ անա դրան նույնպես արձագանքում է էդ. Աղայանը իր «Տերմինագիտություն» գրքույկով, որը, չնայած ծավալի սահմանափակությանը, կարևոր տեսական ուսումնասիրություն է և ուշագրավ՝ իր հարցադրումներով ու եզրահանգումներով:

Էդ. Աղայանի աշխատություններից մեկը աչքի է ընկնում ոչ միայն իր ծավալով, այլև գիտական արժեքով և ընդհանուր նշանակությամբ: Դա նրա ստատիստիկալ (1615 մեծադիր էջ) «Արդի հայերենի բացատրական բառարան» է: Տասնամյակների տվաշան աշխատանքի արդյունք հանդիսացող այս բառարանը ժամանակակից հայերենի ամենածավալուն բացատրական

բառարանն է, որն րեզդուկում է 135000 բառ և 11000 դարձվածաբանական միավոր: Նյութի այս-պիսի րեզդուկման հետ միասին, երև հաշվի տանենք հեղինակի նուրբ լեզվազգացողությունը, գիտական-բառարանագրական հմտությունը, որի շնորհիվ ապահովվել է բառերի գիտական զնա-ճատություններն ու իմաստների բացահայտումը, պարզ կդառնա, որ էդ Աղայանը միայնակ կատարել է մի մեծ աշխատանք, ժառանգի «Առաջաբանը» ոչ միայն անհրաժեշտ տեղեկություններ է տալիս բառարանի կառուցվածքի մասին, այլև ներկայացնում է «Արդի հայերենի բառապաշարի րեզդուկման տեսություն», րստ որում այդ տեսությունը ոչ րե պարզապես հավելում է բառարանին, այլ ներկայացնում է բառարանի ստեղծման գիտական հիմունքները և մասամբ լրացնում այն բացը, ու կա բառարանագրական-բառագիտական աշխատանքի մեջ մեզանում:

Քառապաշարի և առհասարակ բառագիտության բնագավառում էդ Աղայանն իր աշխատանքները հետագայում ձավակց «Հայոց լեզու» աշխատության մեջ, որի «Բառագիտություն» բաժինը ժամանակակից հայերենի բառապաշարի, բառային իմաստաբանության և բառակազմության խոր ու բազմակողմանի ուսումնասիրությունն է:

Ահադ, էդ, Աղայանի վաստակը մեծ է նաև մանկավարժական ու գիտական կոլեքերի պատ-րաստման կարևոր գործում: Շուրջ քառասունհինգ տարի է, ինչ էդ, Աղայանն իր հարուստ գիտելիքներն է հաղորդում ուսանողներին, ասպիրանտներին: Պրոֆ. Աղայանի բազմաթիվ սաները, որոնց սանցման գործում գիտական պահանջկոտությունը նա զուգակցում է մարդկային շնորհողատարության հետ, վաղուց գիտության րեկնածուներ ևն, դոկտորներ, պրոֆեսորներ:

Միանգամայն օրինաչափ է, որ պրոֆ. էդ. Աղայանը միշտ կապված է եղել հայագիտության երկու խոշոր կենտրոնների՝ Երևանի պետական համալսարանի և գիտությունների ակադեմիայի լեզվի ինստիտուտի հետ ոչ միայն իր ստեղծագործական աշխատանքով, այլև պաշտոնավարու-րյանը: Ուրպես Երևանի համալսարանի գիտական աշխատանքների գծով պրոռեկտոր և լեզվի ինստիտուտի դիրեկտորի գիտական գծով տեղակալ, նա ժամանակին զգալի կազմակերպչական աշխատանք է կատարել հայագիտության և մասնավորապես հայերենագիտության զարգացման բնագավառում: Այժմ էլ նա հմտությամբ է ղեկավարում համալսարանի րեզնանուր և համեմատա-կան լեզվաբանույան ամբիոնը, Լայագիտական կենտրոնը, լեզվի ինստիտուտի րեզնանուր և համեմատական լեզվաբանության բաժինը:

Մեր կուսակցությունն ու կառավարությունը բարձր են գնահատել էդ. Աղայանին, նրա ծա-ռայույթունները: Գիտնականի 70-ամյակը կառավարության կողմից նշվեց բարձր պարգևով՝ Աշխատանքային կարմիր գրոշի շքանշանով: Նա ՀՍՄՀ Գերագույն սովետի դեպուտատ է:

Ահադ, էդ. Աղայանը այժմ էլ շարունակում է ստեղծագործական իր որոնումները, հետախու-զումները, ունի իր ծրագրերը: Անվանի գիտնականին ցանկանք քաջառողջություն և ստեղծագոր-ծական նոր նվաճումներ:

Բանասիր. գիտ. դոկտոր Ս. Գ. ԱՔՐԱՀԱՄՅԱՆ